



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 4. Desumpta ex residuis capitibus Danielis Prophetæ, in quibus
describitur: quomodo Daniel detexerit technas Baalitarum, destruxerit
Draconem insatiabile monstrum. Quomodo Leonibus objectus, ...

[urn:nbn:de:hbz:466:1-61252](#)

Doctrina 4.

Desumpta ex residuis capitibus Danielis Prophetæ, in quibus describitur: quomodo Daniel detexerit technas Baalitarum, destruxerit Draconem infatibile monstrum. Quomodo Leonibus objectus, nil male ab ipsis passus sit.

N.411. Considera: **I**nsatiabile quidem illud existisse Monstrum, Babylonicum Draconem, tot cibis quotidie pastum; at longè insatiabiliorem se probare Draconem Inferni, qui quō plures devorat oves, animas videlicet Christi Sanguine redemptas, eō plures esurit. Dilatavit Infernus animam suam, hoc est Interpretē Hugone, affectum devorandi, qui nunquam mortuorum multitudine completur. Eremita quidam, ut refert speculum exemplorum V. damnatus: vidit in raptu animas hominum nivis instar densissimæ infernalibus flammis illabi; tribūs tantum ad Cœlum evolantibus, animā videlicet Episcopi, Cartusiani & viduæ Romanæ. Hoc ut ad se rediens retulit Cardinali Innocentio, ille quantociùs missis hinc inde nuntiis tres personas, quarum meminit exstaticus Eremita, eodem tempore vitâ excessisse intellexit. Nec mirum: tantum hominum copiam Tartaro immergi: quia teste Christo: et si constet, multos vocari, constat tamen paucos esse electos. Michæus Deum hisce lamentantem verbis inducit cap. 7. *Vae mihi! quia factus sum, sicut qui colligit in autumno racemos vindemia. Non est Botrus ad comedendum, periit Sanctus de terra, & Rectus in hominibus non est.* Hac autem loquendi methodo indicare voluit: Dæmonem adeò copiosa gaudere animarum vindemiâ, ut Deo nihil relinquat, nisi quosdam racemos à se neglectos. Consonat Isaias cap. 24. assertens: quomodo si pauca oliva, que remanserunt, excutiantur ex olea, & racemi, cum fuerit finita Vindemia. S. Petrus sibi consignatas habens claves Paradisi cœlestis, de animabus in Diluvio salvatis loquens ait 1. Epist. cum fabricaretur Arca, in qua pauca, id est, octo animæ salvæ factæ sunt. Est autem Arca illa Cœli figura, Diluvium verò figura infernalium pœnarum. Paulus de Palatio considerans Christum Matth. 8. ascendentem in naviculam, sequentibus discipulis sic ingeniose discurrit: non inquit Textus navim, sed naviculam. *Sicut elegantissima navis est vita Christiana, qua ad portum salutis affert; ita horrende & lacrymabiliter dicta navicula est.* Utinam navis grandi

dis & nimium capax fuisset! sed navicula est arcta, angusta est, brevis est, quia pauci sunt, qui intrant per eam. Mysterio ad nostrum propositum aptissimo non caret: quod vates regius damnatos comparet ovibus, cantans: sicut oves in Inferno positi sunt, mors depascet eos. Testatur enim quotidiana experientia: homines instar ovium se gerere, quæ unâ in foveam saltante magnâ numerô sequuntur. Utinam Christiane Lector! non tu ex errantium ovium numero una sis, quæ aliorum per verso seducta exemplô, in foveam peccatorum ruunt, olim tartareis aggregandæ hædis, quas infernalis Draco pabuli loco exspectat. Vuit quidem Deus Apostolô teste: omnes homines salvos fieri, sed expresso cum limite, quem exponit S. Ambrosius in I. Timoth. 2. scribens: si accedant ad eum: non enim vult, ut nolentes salventur. Sed vult ipsos salvos fieri, si & ipsi velint; nam utique, qui omnibus legem dedit, nullum excipit à salute, non est verò salus si nolenti tribuatur. Ciebris illa Nuptiarum Parabola, in qua homo non vestitus ueste nuptiali convivio assidente presumens, audire debuit Matth. 22. ligatis manibüs & pedibüs mitite eum in tenebras exteriores &c. Dubium movet: quò modò contigerit: in tam solemnî & hilari convivio ad manum fuisse vincula & compedes, lictores & justitiæ vindicativæ ministros? Verum cùm certum sit: iniurias capere impium Prov. 5. hinc homo ille suâ culpâ uestem non deferens nuptialem, ipse suus carnifex; funes & vincula parata deferebat. Perditio tua ex te Issaël Oseæ 13 Peccator arbor est, ex qua nascitur manubrium securis illius, quâ ipsem et excidetur, mittendus in ignem. Perit incendiò, quod ipse excitat. Cadit in foveam, quam fodit, & imitatur infantem, qui proprio cultro sibi nocumento est. Hinc Christiane Lector quasi à facie Draconis fuge peccatum dicens cum Daniele Verbô & factò v. 4. citati cap. quia non colo Idola manu facta, sed viventem Deum, qui creavit Cœlum & terram. Satiū est, hīc parvō temporis spatiō vivere cum Daniele inter Leones, patiendō videlicet adversa ab hominibus, quam ibi tartaro Draconi cedere in æternum pabulum.

Aaaa

FASCI.